

ქ. თბილისი

29 ივნისი, 2020 წელი

შემსყიდველი: შპს „საქაერონავიგაცია“ (ს.კ. 208144051),

წარმოდგენილი გენერალური დირექტორის, გოჩა მეზვრიშვილის სახით,

მისამართი: ქ. თბილისი, აეროპორტი 0198, ტელ. 274-42-27

საბანკო რეკვიზიტები: ს.ს. „თიბისი ბანკი“ TBCBGE22

ა.ა GE19TB7188636070100001.

მიმწოდებელი: შპს „TEDEX GEORGIA“ (ს.კ. 401977919)

წარმოდგენილი დირექტორის, რევაზ ასლამაზიშვილის სახით,

მისამართი: თბილისი, ცოტნე დადიანის N7, ოფისი 415ა.

საბანკო რეკვიზიტები: სს „თიბისი ბანკი“, ბანკის კოდი: TBCBGE22

ანგარიშის ნომერი: GE89TB7284045067800003.

ერთის მხრივ, შპს „საქაერონავიგაცია“ (შემდგომში, შემსყიდველი) და მეორეს მხრივ, შპს „TEDEX GEORGIA“ (შემდგომში, მიმწოდებელი) ელექტრონული ტენდერის (NAT200008011) ჩატარების შედეგად ვდებთ სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების ობიექტი

1.1. ხელშეკრულების ობიექტს წარმოადგენს სარედუქტორო ზეთის შესყიდვა, დანართების N1-ის და N2-ის შესაბამისად, რომლებიც წარმოადგენს წინამდებარე ხელშეკრულების განუყოფელ ნაწილებს.

1.2. საქონლის განფასება და აღწერილობა მოცემულია დანართ N1-ში (ტექნიკური დავალება) და დანართ N2-ში (ფასების ცხრილი).

1.3. შესყიდვის ობიექტის CPV კოდი: 09210000.

1.4. შპს „საქაერონავიგაციის“ რესურსის მოთხოვნის განაცხადი: 102-20.

მუხლი 2. ხელშეკრულების ღირებულება

2.1 ხელშეკრულების ღირებულება შეადგენს **6067.56** ლარს.

ხელშეკრულების ფასი შეიცავს მიმწოდებლის ყველა ხარჯს და საქართველოს კანონმდებლობით დადგენილ გადასახადებს (მათ შორის დღგ-ს).

მუხლი 3. საქონლის მიწოდების ვადა

3.1. მიმწოდებელმა ხელშეკრულებით ნაკისრი ვალდებულებების შესრულება უნდა უზრუნველყოს ხელშეკრულების გაფორმებიდან 3 თვის ვადაში.

მუხლი 4. მხარეთა-უფლებამოსილებები

4.1. მიმწოდებელი იღებს ვალდებულებას:

4.1.1. უზრუნველყოს საქონლის მიწოდება წინამდებარე ხელშეკრულებით განსაზღვრული პირობების შესაბამისად.

4.1.2. საქონლის მოწოდებისას წარუდგინოს შემსყიდველს საქონლის ხარისხის დამადასტურებელი დოკუმენტი (ასეთად ჩაითვლება ლაბორატორიის შემოწმების დოკუმენტი).

4.2. მიმწოდებელი უფლებამოსილია:

4.2.1. მოითხოვოს მიწოდებული საქონლის ანაზღაურება წინამდებარე ხელშეკრულების პირობების შესაბამისად.

4.3. შემსყიდველი იღებს ვალდებულებას:

4.3.1. აუნაზღაუროს მიმწოდებელს მიწოდებული საქონლის ღირებულება წინამდებარე ხელშეკრულებით გათვალისწინებული წესით.

4.4. შემსყიდველი უფლებამოსილია:

4.4.1. განახორციელოს ხელშეკრულების პირობების შესრულების კონტროლი, რისთვისაც გამოყოფს სპეციალურად უფლებამოსილ პირს იური ტრუბიცინს, რადიოლოგაციის სამსახურის უფროსს.

მუხლი 5. ანგარიშსწორებისა და მიღება-ჩაბარების წესი

5.1. ანგარიშსწორება მიმწოდებელთან განხორციელდება საქონლის მიწოდების შესახებ მიღება-ჩაბარების აქტის გაფორმებიდან და საგადასახადო ანგარიშფაქტურის შემსყიდველისთვის წარდგენიდან 10 სამუშაო ვადაში.

მუხლი 6. მხარეთა პასუხისმგებლობა

6.1. ხელშეკრულებით გათვალისწინებული ვალდებულებების არასათანადოდ შესრულების შემთხვევაში მხარეები პასუხს აგებენ მოქმედი კანონმდებლობის შესაბამისად.

6.2. შემსყიდველი უფლებამოსილია საქონლის მიწოდების შეფერხების შემთხვევაში დააკისროს მიმწოდებელს პირგასამტეხლო ყოველ ვადაგადაცდილებულ დღეზე ხელშეკრულების ჯამური ღირებულების 0.1%-ის ოდენობით.

6.3. მიმწოდებელი უფლებამოსილია ხელშეკრულებით განსაზღვრული ანგარიშსწორების ვადების დარღვევის შემთხვევაში დააკისროს შემსყიდველს პირგასამტეხლო ხელშეკრულების ჯამური ღირებულების 0.1%-ის ოდენობით ყოველ ვადაგადაცდილებულ დღეზე.

მუხლი 7. ფორს-მაჟორი

7.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

7.2. ამ მუხლის მიზნებისათვის `ფორს-მაჟორი~ ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

მუხლი 8. დავების გადაწყვეტა

8.1. მხარეთა შორის სადაო საკითხები წყდება მხარეთა მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხი განიხილება საქართველოში მოქმედი კანონმდებლობის შესაბამისად.

მუხლი 9. ხელშეკრულების განსაკუთრებული პირობები

9.1. მიმწოდებელი ვალდებულია საკუთარი გონივრული რესურსებით უზრუნველყოს შემსყიდველის კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომით ანაზღაურებას უზრუნველყოფს თვით შემსყიდველი.

9.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, რომელიც გამოწვეულია მიმწოდებლის ბრალეულობით.

მუხლი 10. ხელშეკრულების შეწყვეტა

10.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ.

10.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

10.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისგან.

10.4. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

მუხლი 11. სხვა პირობები

11.1. წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2020 წლის 31 დეკემბრის ჩათვლით.

11.2. ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.

11.3. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა შეატყობინოს მეორე მხარეს 1 კვირით ადრე.

11.4. ხელშეკრულების პირობების შეცვლა დაუშვებელია, თუ ამ ცვლილებ(ებ)ის შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის. ხელშეკრულების პირობების შეცვლა დასაშვებია საქართველოს სამოქალაქო კოდექსის 398-ე მუხლით განსაზღვრულ შემთხვევებში.

11.5. საქართველოს სამოქალაქო კოდექსის 398-ე მუხლით გატვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

11.6. წინამდებარე ხელშეკრულება შედგენილია ქართულ ენაზე.

შემსყიდველის მხრიდან

მიმწოდებლის მხრიდან

გოჩა მეზვრიშვილი
გენერალური დირექტორი

რევაზ ასლამაზიშვილი
დირექტორი

დანართი 2- ფასების ცხრილი ნას/08/06/20

#	საქონლის დასახელება და მარკა	მწარმოებელი კომპანია და წარმოშობის ქვეყანა	რაოდენობა	ერთეულის ფასი (დღგ-ს ჩათვლით)	საერთო ფასი (დღგ-ს ჩათვლით)
	TEDEX TRANS HD ISO-VG220	TEDEX S.A. პოლონეთი	120 ლ	50,563	6067.56

შემსყიდველის მხრიდან

მიმწოდებლის მხრიდან

გოჩა მეზვრიშვილი
გენერალური დირექტორი

რევაზ ასლამაზიშვილი
დირექტორი

ტექნიკური დავალება

სარედუქტორო ზეთი

საქონლის ტექნიკური მახასიათებლები		
სიბლანტის კლასი	ISO – VG 220	
სიბლანტის ინდექსი	160	± 5
კინემატიკური სიბლანტე (მმ ² /წ) 40 °C	230	± 10
კინემატიკური სიბლანტე (მმ ² /წ) 100 °C	30	± 3
აალების ტემპერატურა °C	250	± 10
სიმკვრივე (კგ/მ ³) 15 °C	880	± 10
გამყარების ტემპერატურა °C	- 45	± 5

ზეთის რაოდენობა 120 ლიტრი (1 დან 20 ლიტრამდე კასრებში, ქარხნული შეფუთვით).